

SCRIPTA

Numéro Scripta : 2378

Auteur(s) : Bernard Nicolas [particulier]

Bénéficiaire(s) : Le Désert, Sainte-Catherine de La Perrine (prieuré)

Genre d'acte : charte

Authenticité : non suspect

Datation : 1250, mai

Action juridique : vente

Langue du texte : latin

Analyse

Bernard Nicolas vend au prieuré de La Perrine une pièce de terre pour 75 sous tournois.

Tableau de la tradition

Éditions principales

a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Prieuré de La Perrine, n° XIII, p. 11-12.

Texte établi d'après a

Ego Bernardus Nicholai notum facio omnibus tam presentibus quam futuris presentes litteras inspecturis quod ego ministro et fratribus Sancte Katherine de Perrigna, Ordinis Sancte Trinitatis et Captivorum, vendidi et concessi pro sexaginta et quindecim solidis Turonensium quos habui quandam pecciam terre que accoittat, ex una parte, fossato dictorum ministri et fratrum, et fossato Renulfi dicti Falconarii et, ex altera parte, terre Willelmi Nicholai, fratris mei, et alboittat superius terre Nicholai Bernardi et inferius chemino per quod itur de Hoimetot apud Arel, tenendam et habendam dictis ministro et fratribus liberam et quietam ab omnibus, molta tamen excepta ; converti enim super residuum terre mee omnia alia servicia exinde debita quibuscunque. Hanc autem vendicionem ego et heredes mei tenemur garantizare dictis ministro et fratribus, vel alibi in nostra propria hereditate, valore ad valorem, si necesse fuerit, excambiare. In cujus rei testimonium dedi sepedictis ministro et fratribus presentes litteras sigilli mei munimine roboratas. Ego vero Petrus de Melfa, capitalis dominus illius feodi, dictam vendicionem volui et concessi et pro salute anime mee dictis ministro et fratribus moltam exinde debitam in puram et perpetuam elemosinam dedi et concessi et sigillum meum litteris presentibus apposui in confirmacionem et testimonium hujus rei. Actum anno Domini M° CC° quinquagesimo, mense maii.